


休縣志



(109514)

介休縣志卷十一

列女

敬姜有言曰逸則淫淫則忘善忘善則惡心生唐魏
 之詩無淫奔以俗尚勤儉也介為唐魏舊壤葛蒙
 蔓猶見遺風巾幗多賢頗能以禮自守漢書搜次
 行尤高秀者不專一操而終以蔡文姬畧德取才
 賢淑讓則凡心矢冰雪苦節可貞皆當臺築懷清
 豈必山上摩笄始足昭我管彤耶



晉

介休令賈渾妻宗氏劉淵將喬晞陷城渾死之宗氏有

姿色晞欲納之宗氏罵曰屠販奴豈有害人之夫而欲加無禮於爾安乎何不促殺我因仰天大哭晞遂害之時年二十餘 按宗氏雖非介邑人而與賈公同殉社稷實節烈之先型因依通志入之

明

李氏文整妻二十三歲夫亡守節撫孤正統十一年旌

宋氏羅維妻十八歲夫亡生子甫三月堅志守節成化

二十三年旌

羅氏宋彬妻二十一歲夫亡紡織守節嘉靖七年旌

秦氏李廷保妻十八歲夫亡家貧守節有諷之嫁者自

殘其面年九十餘縣令史記事旌

羅氏郭朝臣妻年二十三歲夫病謂之曰悞爾青年願

早適人氏以死誓及夫病篤氏遂自縊翌日夫死

梁氏王附學妻二十五歲夫亡孝舅姑撫孤子壽九十

五嘉靖四十二年旌

郭氏喬士恩妻二十五歲夫亡撫二子孝翁姑孫成諸

生壽七十八學使旌其門

文氏宋尚志妻二十一歲夫亡守節撫孤天啓年旌

王氏郭宗妻少艾惡少年艷其色薄暮偵宗出潛入

汚氏厲聲呼隣里惡少逸去夫還泣告曰我身雖未

被辱誰與白者竟縊死巡按御史撰碑表其墓

鈕氏王睿妻睿患癱卧簣十餘載氏侍奉不懈逮沒守

節終身

梁氏王天福妻天福病噎遍禱神廟乞與偕亡及夫沒

卽食苦杏仁死

趙氏鴻臚寺丞王嘉璋妻二十歲方娠而夫亡守節撫

孤成諸生崇正問制府梁廷棟旌其門

閻氏庠生張翼儒妻幼通學庸論語內則年十五適張

甲申之變思辱自縊死

舊志曰翼儒兒婦今依通志改正

文雲鳳之母及妻並失姓氏雲鳳以材武選充近侍母

與妻俱在京師甲申之變雲鳳以爲臣死忠與母訣

母曰吾從子食祿天朝寧自生願先死以成子志遂

自刎雲鳳及妻女皆焚死

國朝

張氏國學生郭天宜妻年十九夫亡姑瞽子幼事育盡

由紡績自首完貞康熙五十五年 旌

南氏張自昌妻安福令崇樸祖母二十八歲夫亡以孝

事姑撫孤文湛長爲諸生夫兄二子皆螟蛉當病亟

語氏曰螟蛉外人家產量給之餘盡姪有也及夫死

卒悉以財歸其二子毫髮無所私壽踰九十乾隆元

年旌

楊氏邑庠生穆大義妻二十七歲夫亡欲以身殉翁姑勉以撫孤乃止克盡孝慈後二子又相繼歿撫孫爾坤成貢生乾隆十九年旌

溫氏宋璉妻十八歲夫亡孝於姑事必稟命而行教子入成均性仁厚親族多賴周卹乾隆二十二年旌
張氏國學生郭恒燕妻二十七歲夫亡守節所居鄉被水造木筏以渡日夕作餅餌餉之歲饑卽命子鎮璜出粟賑濟乾隆二十二年旌

梁氏國學生茹連科妻年十七歸茹越九年隣某乘閒竊其履誣之氏憤烈投繯乾隆二十三年旌

王氏梁來正妻二十八歲夫亡子浩甫七月有諷之嫁者務面自誓事舅姑以孝訓浩成諸生壽八十八乾隆二十四年旌

王氏貢生梁質收妻二十六歲夫亡善事孀姑撫子御入太學乾隆二十五年旌

郎氏梁世俊妻年二十五歲夫歿子僅三齡時流寇肆掠饑饉薦臻氏備歷艱辛保孤子成立以壽終

張氏劉讓繼妻年十五適讓事姑以孝聞越五年夫歿撫孤守志壽九十終子翊聖順治壬辰進士巡按御

史白尚登旌其門

任氏茹英芳妻二十七歲夫亡苦節撫子壽終七十四
縣令李試旌其門

賈氏侯懋功妻婚八月懋功商於外四載客死雲中櫬
至卽飲毒姑救之泣辭曰無庸從夫就穴足矣縣令
趙端躬祭之并旌其門

孟氏左陞正妻歲貢生孟朝柱女陞正幼不慧而家貧
翁姑勸其他適氏曰夫不才命也安可改節比夫亡
竭力事舅姑壽七十四縣令金一鳳旌之

江氏喬千仞妻夫亡姑繼歿翁癱氏親滌穢惡母董氏
老疾無子迎翁養於母家晨夕並侍及母逝葬畢仍
昇翁歸凡十二年翁卒先是千仞從兄歿遺孤方幼
江鞠養如己子不令隨母他適鄉黨賢之

李氏孟光輝妻十九歲夫亡生子國楨八月父母強之
嫁氏以刀斷一指示志乃止有族豪覘其產欲潛害
國楨氏護持獲免年登耄耄縣令金旌其門

任氏董奕榮妻宋氏生員奕茂妻妯娌也夫亡時任年
十九宋年二十一子振基振聲俱幼發居同室事孀
姑各盡孝教子讀書皆成諸生壽俱八十

李氏王志會妻二十二歲夫亡家貧二子幼氏紡績事

舅姑次子維基爲邑廩膳生

岳氏張士芬妻二十九歲夫亡撫孤維安娶孟氏旋亦死孟氏依姑守節岳年八十卒孟亦以壽終

董氏李蕃妻蕃死子嗣沆幼矢志撫孤成名學使勵宗萬旌之

任氏劉義元妻年二十四夫喪舅姑皆七旬孤兒在抱家貧兄逼之嫁氏截髮自誓勤女紅孝慈兼盡壽終八十四

岳氏增廣生降甘霖繼妻二十七歲守節壽終九十二學使勵宗萬旌其門季子緯舉康熙甲子鄉薦有文名孫國學生與瑄娶婦李氏亦二十七歲寡守貞教子長仙成諸生次仲乾隆癸酉登賢書知齊河縣有善政李以仲子受封

王氏張國泰妻二十八歲夫亡子正仲娶郭氏未舉子亦死郭依孀姑守節各以壽終

劉氏梁婷妻年二十二歲夫亡撫子至長亦天復撫孫成立卒年八十一

張氏白應昭妻年二十六歲夫亡守節以壽終

郭正秀妻失其氏年二十夫亡無子撫姪守節壽終學使勵宗萬旌其門

陸氏郭天華妻年二十三歲夫卒子繼殤氏守節孝事舅姑以壽終知縣楊允和旌其門表其墓

段氏李才棟妻年二十九歲夫亡子中先幼矢志全貞鞠子成立壽終八十三中先事母亦以孝聞

任氏文瑛妻年二十七夫亡貞潔自持撫孤入太學守節五十二年卒

賈氏馮大有妻年未三十夫亡守節奉姑以壽終

趙氏庠生張國瑄妻年二十二夫卒子正笏甫三歲撫之授室生大礪大礪既壯而殂其妻孟氏年二十二無子以大礪子有光爲嗣有光夫婦俱夭撫遺孫成立事祖姑亦以孝聞

王氏董靖左妻觀察使廷伊孫女幼通孝經四子書歸董事姑以孝年二十九夫卒子柴幼及成誦卽口授經籍後柴有詩名累官安州牧守節四十八年學使勵宗萬旌之

趙氏張彥義妻二十九歲夫亡守節以壽終

段氏任元卿妻年二十八歲夫亡撫孤並及孫以壽終任氏劉典文妻典文仕靈石訓導卒於官氏年二十五家貧子幼苦節撫孤以壽終

鈕氏郭殿元妻年二十五夫亡守節壽終八十二

梁氏縣丞馬淇瑁繼妻幼通經籍爲婦知大義夫亡守節以讀書教子孫壽七十三卒

張氏宋養品妻年二十一夫亡繼子守節鄉黨稱之

宋氏武裕國妻合卺僅十日夫外出終身不返家貧饑寒交迫氏無怨恨後撫姪敷化爲嗣以壽終

傅氏燕扶柱妻十八歲夫亡子廷珍在抱撫孤守貞壽終八十六邑令王鈺表其里從子廷瑋妻韓氏年二十二孀居壽至八十一邑令張鎮額旌之

鄭氏賈鍾玉妻二十六歲喪夫守節撫孤壽終八十七郡伯林瑤旌其門

李氏武畀參妻年十九夫亡撫孤入太學以壽終

董氏宋居榮妻夫亡年二十四歲二子幼撫之成立次子敷星復夭婦郭氏亦少倚姑守貞並以壽終人稱

雙節

曹氏張學寬繼妻婚數月學寬卽服賈山左闕三載客死氏年二十三歲撫前子守節以壽終

胡氏附貢生黃廷瑗妻年二十二夫亡守節撫二子成立煥采授州同知光采入武庠

楊氏郝玉琮妻年二十九夫死撫孤守節終年八十八宋氏文四維妻年十九夫亡撫孤苦節以終

趙氏王璜奇妻年二十八歲而寡撫二子成立壽八十
六郡伯寶容恂旌其門

孟氏武生王憲妻年二十六歲夫卒子旋天繼族孫爲
嗣守節五十年而沒

龐氏董靖宸妻二十二歲夫死守節教孤子杜爲諸生
壽八十二學使勵宗萬旌之杜繼妻郭氏年十七亦
寡事孀姑維謹視前氏子五教如己出鄉人稱節孝
趙氏郭啓秀妻年十九啓秀卒子尚幼氏苦節自甘撫
孤成立壽八十五卒邑令楊士銘旌之

溫氏羅鐘妻年十九鐘卒撫孤守節壽七十六縣令楊
士銘旌其門

劉氏郭元瑜妻二十八歲而寡孝事舅姑撫子都唐入
太學終年八十三學使蔣元益旌之

羅氏董殿卿妻年少夫亡守節壽八十四邑令旌其門
馬氏楊桂官妻年十九夫卒子起需方一齡守節撫孤
成立授州同知壽六十三卒里人榜其門

羅氏侯承恩繼妻年二十五夫亡守節撫前子躬成諸
生

溫氏郭如瑋妻二十六歲喪夫子方娠守節以終

陶氏郝輿妻輿卒氏年二十二家徒壁立撫二稚子守

節以壽終

燕氏庠生李來翔妻年二十二夫卒子生一歲嫡庶兩姑俱老病氏生事祭葬咸盡禮撫孤成立壽七十七卒學使德保旌其門

李氏董志道妾二十五歲志道歿子幼家貧守節紡績撫孤卒未嘗向人稱貸閭黨賢之

賈氏強瑗妻年十七歸強踰年而娶無子撫姪纘曾爲嗣教之成諸生

張氏郝瑄妻二十七歲夫亡撫姪爲子守節四十七年卒

孟氏趙淑昌妻幼事繼母甚孝歸趙後事病姑無怠色年二十五夫亡矢志守貞訓子鴻儒入泮以壽終董氏張謙妻年二十七喪夫家貧守節以壽終

孟氏董繩遵妻二十四歲夫亡子幼繼姑遇之少恩氏彌謹翁久客歸手足不仁氏左右扶持者五年比喪咸盡禮邑令宋允清旌其門

王氏庠生郭無伐妻年二十四夫死守節撫孤以卒宋氏管勾廳張憬妻二十九歲夫喪撫孤守節以終

王氏田大預妻年十八夫亡矢志撫孤事姑甚敬壽十九卒

馬氏內閣中書郝世藩妻夫亡子幼撫之入太學諸孫多遊庠以壽終

田氏增廣生梁質曙繼妻二十八歲夫卒三子俱幼撫之成名壽七十一卒學使蔣元益旌之

李氏國學生陶大強妻大強死氏年少守節子凌霞方三歲教子登武科壽六十卒

郭氏武生羅呈祥繼妻二十二歲夫亡教子授主簿職孫萬象登庚寅京兆榜餘亦成諸生年五十三卒

宋氏董啓才妻年二十二夫客死事姑撫子以孝慈稱孟氏庠生郭素位妻素位以力學致疾卒氏年二十二

撫孤守貞壽七十四學使蔣旌其門

張氏賈鉉妻年二十一喪夫家貧撫孤成立以壽終

南氏趙秉智妻二十二歲夫卒子生三月舅姑亦邁事畜兼盡守節以終

宋氏王振儒妻結褵四載振儒死子寵幼撫之成立寵事母亦以孝聞母卒哀毀逾常三年不內寢

王氏賈鐸妻年十八卽寡無子以姪爲嗣事舅姑得歡心壽終六十七

郭氏任成龍妻夫亡子又殤夫之昆季議析產氏謝曰無子何用產爲依姑同卧起奉事惟謹學使德保旌

之

劉氏田多霑妻年十八夫歿無子矢志守貞撫姪樹績
爲嗣事祖姑最孝以壽終

李氏宋纘湯繼妻年十九夫卒撫前氏子超與己子起
無厚薄以壽終

李氏張奇珍妻二十三歲喪夫子幼家貧紡績度日壽
七十九邑令李壽彭旌其門

冀氏趙錫黻妻年二十餘夫喪孝事舅姑撫子成立以
壽終

茹氏羅法倫妻二十七歲夫亡子甫彌月辛勤撫育壽
八十七卒

吳氏胡聖諭妻年二十五方娠而寡撫孤苦節以終

郭氏增廣生張永祺妻二十四歲夫亡無子育姪梅爲
嗣守節三十一年

梁氏郭偉繼妻年十九歲卽寡撫前氏子如已出守節
四十六載卒

范氏張崇棫妻年十九歲夫亡絕食死

孟氏州同張世繩妻年二十夫卒方娠後數月生位撫
之長官西城吏目以壽終

李氏進士馬爾燦妻夫卒年二十九家故清寒子政亦

介休縣志 卷一 三
幼氏勤紡績教之成拔貢生中庚寅副車守節三十
七載而終

宋氏趙觀妻二十三歲夫歿守節子清瓊幼長成諸生
曹氏楊秉麗妻夫亡遺孤封文撫之長娶婦左氏生孫
起寶七月亦寡姑婦共勵貞操曹七十餘卒左亦守
節以終

焦氏任國玉妻年二十四夫卒守貞育子壽七十卒
劉氏宋釗繼妻年十八夫歿撫前氏子守節舅姑相繼
歿貧不能殮得親隣周助畢喪葬至老機杼不輟

王氏師有義妻二十七歲夫亡二子幼家貧苦節以終
穆氏王寧泰妻年二十二夫歿家貧子生六月矢志守
貞翁與繼姑先後卒有幼子賴穆鞠之長勤苦二十
餘年而卒

岳氏宋彥伊妻二十五歲喪夫子尚幼撫之成立守節
四十三年卒

宋氏劉蕃落妻夫亡子幼養殮多不繼氏朝夕織紉教
子入成均守節二十八載卒

王氏縣丞梁日映妻侯氏貢生日曜妻妯娌也日映死
無子以日曜子向垣爲嗣未幾日曜亦亡侯與王共
守貞家範嚴肅雖富樸素是敦各以壽終

郝氏劉在式妻中書世藩之女年未三十而寡甘貧守節孝事舅姑課五子誦讀年五十三卒于聲元食廩餼

李氏孟仲顏妻結褵後仲顏染疾翁姑病瘋氏奉侍無懈竟先後卒連舉三喪以苦節終

張氏郝文寶妻二十七歲夫亡家貧紡績育孤舅姑衰老奉養喪葬咸盡禮閭左稱之以壽終

張氏強運昇妻家貧夫病卧床簪者七載拮据備至及歿守節撫孤三十五年卒

郭氏侯文存妻年十六適侯侯不事生業氏苦諫冀其悔過曲盡孝敬以事姑恐姑或逆於心憎其子也常忍饑寒無怨色文存死撫二子成立以節終

李氏田大發妻二十九歲夫卒守節撫孤以壽終

郭氏董印聰妻年二十五夫亡無子孝事舅姑苦節終身

曹氏趙祚產妻年二十夫歿事姑撫子矢志守貞以卒段氏王福魁妻年十八夫歿子甫十月姑亦亡遺子四齡段紡績以養至於成立

董氏劉玉妻二十一歲而寡撫幼子成立分府攝邑事康勳旌之

任氏郭元簡妻二十六歲夫歿無子撫姪爲嗣紡績養
姑學政蔡揚宗旌其門

王氏廉如棟妻于學頗甫十月夫喪守節教子入成均
縣令巫慧旌其門

黃氏曹德清妻夫亡勵志撫孤入成均守節五十餘年
張氏增廣生劉洪訓妻年二十八夫歿子光楷尚幼延
名師訓課尋登賢書治家嚴肅奴僕亦罕見其面

宋氏董登高妻二十四歲夫亡守貞撫孤以節終

王氏冀道範妻年二十二夫亡截髮自誓事姑無懈容
撫子正公入成均乾隆三十四年旌

龐氏任漢璽妻二十二歲夫亡撫再從子九貢爲嗣夫
之從母中年而寡貧無依迎與共處事之如姑學使
蔣旌之

任氏胡穎妻年十七子生彌月夫客死舅姑俱老上事
下鞠苦節以終

王氏文宏璉妻年二十九夫亡奉舅姑盡孝子繼潞成
諸生有名學使李師中旌其門

劉氏任士魁妻二十二歲喪夫孝舅姑撫幼子守貞以
老

張氏郭瑞城妻年二十六夫歿子鑑幼教之入庠娶

氏二十八歲亦寡姑媳守貞人稱雙節

宋氏侯命職妻年十八夫歿子未週守節撫孤學使景福旌之孫郁亭成諸生由廩貢官安邑訓導

燕氏趙廷翰繼妻二十一歲夫客死舅姑憐其少令改適誓不去撫前氏子事舅姑守節以終

李氏郝正容妻夫歿年未三十無子以姪爲嗣亦天繼從孫守節以老

武氏喬涵銳妻夫歿家貧子世爵生六月撫之成立苦節以終

王氏周德配妻二十八歲夫亡撫孤守節以壽終

宋氏王珮妻珮死氏年尚少子廷樑幼誓死守貞以老李氏侯正遠妻生三子夫卒年二十九夫之兄嫂亦亡遺孤二氏育之如已出事姑最孝鄉人稱賢之

孟氏薛寅洲妻寅洲生一子卽賈津門八載不歸遂客死氏年二十九撫孤守節長授室復喪更撫孫節操數十年

郭氏溫正詩妻夫卒子未婉勵志守節旣生教養恩勤比長有聲太學

侯氏武鏞妻年二十七夫歿子清禮幼家貧且遭逼不得已依於父母復令改適乘夜投井適井枯積草藉

其下得不死自是咸知其不可奪紡織日給節操著
聞撫清禮長爲諸生

宋氏州同侯晏妻晏客死江南氏年少守節撫二子入
成均

劉氏郭建皇妻二十九歲夫亡守節撫孤

任氏楊清龍妻年二十五夫卒守志安貧撫子成立

宋氏靳之璵妻年未三十夫歿事姑無情容訓子維淵
入太學

李氏郭銓妻二十八歲喪夫艱苦守貞子如峙尚幼訓
之食廩餼梁大司成錫璵旌其門

董氏梁鴻熙妻夫死年二十九子正倫歲未週撫之長
任崑山縣丞邑令張鎮旌之

黃氏雷澤溥妻夫歿家貧氏年少矢志守貞育四子成
立

王氏喬作栢妻夫歿青年守貞子隆巖幼撫之入太學
李氏任日巖妻二十六歲夫亡二子幼撫之成立

劉氏國學生高昇妻年二十七喪夫無子撫姪上達爲
嗣長授布政司叅軍職

李氏王立朋妻年二十四夫歿家貧子幼姑目瞽李針
綉度日得美食輒以奉姑生事死葬無不盡禮里人

旌其門

石氏國學生王搢妻孝於姑年二十七夫卒撫子入成均

李氏劉崇禮妻二十三歲夫亡長子繼天事孀姑育穉子守節以終

任氏庠生李昌年繼妻夫歿事姑甚孝前氏遺孤漪撫之如已子游後漪成諸生游入國學

岳氏曹秀台妻夫喪氏年少家貧無子近宗無可繼紡績自給縣令黃有恒旌之

趙氏國學生張敬元妻二十七歲夫亡守節子伸酉幼教之登黌序學使呂光亨旌之

溫氏趙恭妻年二十四夫卒子幼家貧事姑以孝聞梁氏州同郭振妻夫亡無子撫姪爲嗣守節終身

宋氏范國海妻年二十五夫亡忍死撫孤人稱完節閻氏王允持妻允持亡氏年少家貧守節撫孤成立

郝氏拔貢生馬淇瑛妻夫亡青年守節子樞授府同知張氏常三元妻三元仕嶺南揚武巡檢卒於官氏年二十九歲守節撫子成立

王氏張繼印妻二十九歲夫客死都門家貧守節事姑遺孤幼撫之長令扶父櫬歸葬稱完節焉

李氏武生梁洗妻年二十八夫亡守志立姪士楚爲嗣
梁氏文青蓮妻年二十八夫卒子案幼育之登乾隆已

卯武科

李氏任士淇妻士淇登武科卽卒子權生八月氏正青
年撫孤守節

李氏黃琬妻夫客死子幼家貧積女紅之資運棺歸葬
子復中折無可承祧苦節以終聞者憐之

郭氏田金蘭妻年十八夫客死遺腹生子家貧事翁撫
孤守節四十餘年

張氏燕榮妻納采時榮卽得狂疾比婚更甚未嘗同寢
處以至於歿氏無怨言撫姪爲嗣織紉自給親黨罕

觀其面

董氏庠生郭府志作郝恒烈妻二十四歲喪夫撫遺孤守貞

垂白猶勤紡績

余氏王履泰妻履泰目瞽家亦貧氏年十六于歸逾歲
生子履泰卽死姑令他適誓不去勤女紅守節終身
賈氏國學生燕賓妻年十七歸燕生一子而寡亦中折
遺腹孫繼殤撫姪爲嗣又殤其姑尚在事之勤於娣
姒姑憐其苦對曰不孝夫亡卽竭力已不逮子職之
半姑泣而謝之

張氏國學生梁質典妾年二十八典亡甘心守節子履尚幼教之入成均

張氏李兆麟妻兆麟年十九成武進士卽授陝州守備氏隨之任夫歿於官氏年二十七提孤扶襯旋里守節終身

趙氏郭元佐妻二十七歲夫卒遺一子氏教養兼盡克成完節

任氏曹延廣妻延廣出繼伯父爲子及死或憐氏少無子勸改適氏曰翁姑以無子立繼繼子已亡婦何忍嫁未幾延廣兄復卒生父無嗣氏竭力周旋兩門並倚賴之守節四十載尚無可繼者鄉黨咸敬憫焉

王立標妻失其氏二十六歲夫卒子幼舅姑老病氏上事下育里中稱節孝

燕氏侯起昌妻年十九夫卒無子以姪介琮爲嗣教之成諸生

李氏國學生梁泌繼妻年十五適梁踰三年而嫠前室子本樸幼氏誓以身殉夫伯氏秋谷知名士也責以撫孤乃止鞠養備至而訓誡嚴明不以繼母引嫌稍存姑息乾隆三十九年旌

喬氏李玉英妻夫卒氏年二十三子方數月甘貧撫孤

介休縣志 卷一
苦節以老

張氏溫頤妻頤亡氏年二十九立志苦守始終不易壽七十四而終

張氏董行妻二十歲夫亡無子姑憐其少使改適截髮自矢立姪詩發爲嗣事姑以孝聞

劉氏王鴻俊妻年二十一夫歿子亦殤矢志守貞及老繼孫承嗣

郭氏羅緝光妻二十三歲夫亡無子家貧紡績奉舅姑終身以不能死節爲恨

楊氏太學生趙世臣妻年十九夫亡事舅姑甚孝子成諸生亦天苦節自勵學使蔡揚宗旌其門

郭氏舉人張正任妻未嫁時兄嫂相繼歿撫其子女歸張後姑老多病呻吟床簀者十餘載侍奉盡孝正任官定州司馬妹適李姓卒子幼氏攜之至教養備至授室始還遠近稱賢及郭卒姪與甥爲服如子女郝氏貢生張大震妻幼遭父喪哀毀骨立戚黨以孝女目之適張後事舅姑如事父母兼通書史訓子皆親自口授後以痛母致疾卒

王氏梁質毅妻夫死子适方週歲氏年二十四矢志事姑育子成立

王氏國學生侯天爵妻夫亡無子舅姑相繼逝隻影自
憐矢志靡忒

王氏汪得昇妻年十七夫歿孤亦中折翁姑尚在織紉
以養守節之最苦者

李氏庠生馮拙儒妻事姑有賢聲年二十三子方數月
夫死矢志撫孤貧窶不易

溫氏孔廟贊禮郎董浥妻二十五歲夫亡無子守貞事
姑鄉人稱其節孝

任氏高顯榮妻十九歲而寡遺腹生子姑夏氏亦孀也
相倚以節終

李氏太學生喬御書妻年二十九夫亡守節撫子成立
壽躋七旬而卒

王氏劉振基妻年十九夫歿守節子思恭尚幼撫之長
官遊擊尋亦卒二孫又賴抱持

文氏庠生降逢春妻年二十六夫歿子元霖幼守節撫
孤巡鹽御史那公旌其門後元霖以材勇爲千總

宋氏梁恒年妻二十六歲夫亡子幼翁以哭子喪明氏
多方勸慰目復明人謂節孝所感

梁氏梁釗妻年十六于歸二載釗客死津門無子撫姪
爲嗣以節終

張氏段生成妻年十八夫卒子光級甫一齡撫之成立
任氏張大佩未婚妻也初大佩客蜀父母爲之聘氏而
待年於家大佩歸以父喪未得成禮復出尋歿氏甘
心守節事姑以孝分府李納璧旌其門

任氏郭秉義妻年十九卽寡子幼親黨欲奪其志誓不
去孝事舅姑如供子職

張氏文宰妻宰家世服賈欲以讀書自奮氏年二十三
宰卒子映榮幼比長有以服賈勸者氏曰非父志也
教之力學卒成諸生

梁氏孟養仕妻年二十七夫亡無子立繼嗣撫之權分
府李蘭泰旌其門

溫氏范清瀚妻年二十二夫歿遺孤妾所生也妾亦卒
溫撫孤勵節鄉里稱之

王氏董源涵繼妻州少府檀之女源涵任山左曹儀別
駕卒於官氏年二十無子撫前氏子女守節以終

楊氏宋氏典史梁增妻增娶楊數載未有子卽授滇南
會澤尉以道遠留楊於室事舅姑增抵任復娶朱氏
生一子卒於官朱之戚屬有勸其改適者誓志不從
竭資斧提幼孤扶櫬歸里楊氏見之相向而哭同心
撫孤鄉黨稱之

燕氏郭泳易妻年二十夫歿守節子生八月越四載復
殤立姪棣泰爲嗣教之成諸生

張氏董符妻適董三月董亡有諷之他適者截髮以誓
數十年不除服

王氏汪義榮妻義榮無子而癱姑旣老無立錐地氏乞
於村先進姑次及夫飽而後食不則終日枵腹也田
間遺穗不見其主不取鄉黨重其孝亦殊待之知縣
王謀文捐俸十金示獎月給米三斗里中亦釀金六
十兩使權子母利自是免行丐

郭氏梁聖明妻二十九歲喪夫守節撫四子成立邑令

王旌其門

吉氏董成璘妻年二十七而寡翁姑老子幼氏自矢守
貞事畜克盡婦道郡司馬德公旌其門

梁氏武舉李兆瀛妻年二十三歲夫亡家貧無子撫姪
李如林爲嗣以節終

王氏程會魁妻年二十五夫歿姑卧病不能動履左右
奉侍者十四載以節壽終

王氏國學生郭佩妻青年矢志勤苦終身

楊氏李生馨妻年二十九夫亡子稚翁姑垂白艱辛事
畜守節五十餘載以壽終

李氏喬士彬妻年十九夫歿矢志撫孤乾隆四十一年旌

韓氏閻爲綱繼妻年二十一卽寡無出前室遺孤承緒宏緒俱幼撫之長皆成諸生孀居六十餘載

郭氏孟士宏妻年二十二夫喪家道維艱子亦幼弱矢志全貞年七十餘猶勤婦職

高氏王輯妻夫卒氏年二十七守節終身

李氏張三全妻未嫁時事繼母以孝稱年二十六夫卒姑已邁家貧生事死葬備歷艱辛子存和幼撫之入成均貞靜自矢垂四十載乾隆四十四年旌

李氏龐漢統妻年二十六夫亡撫孤守節六十八載卒任氏溫璞妻溫以家貧客死江南氏聞之痛哭幾絕親族憐其無子勸之他適氏誓不獨生浣衣歸闔戶自經死

劉氏齊世賓妻二十二歲夫亡姑衰于幼孝慈兼盡子亦中折繼姪孫爲嗣現年八十七歲

董氏武生郭桂韻妾年十九卽寡撫孤守節年四十七而歿

許氏吳士珠妾年二十七士珠卒正室疲癯手足皆不仁氏侍奉無少懈後嫡子孫曾繼歿撫族元孫爲嗣

現年六十三

張氏孫贊鵬妻年二十八夫歿守節子幼翁邁氏仰事俯畜勤苦備嘗現年六十三

羅氏任熙簡繼妻二十九歲夫亡守節所撫前子及己子各中折與媳韓氏共撫遺孤

任氏康鴻元妻二十四歲夫亡撫姪孫爲嗣守節垂四十載

文氏白曜宇繼妻曜宇賈於外氏事翁姑以孝聞二十六歲而寡無子撫姪爲嗣現年五十八

任氏年十七適段生越四載段亡無子段少失怙惟大父母是依家故貧祖翁繼歿逋負至四百金氏曰逋不能償何以安亡靈於地下變產給之喪葬盡禮祖姑病癱轉輾床簀十五年氏侍奉無少懈年踰八旬陸氏國學生趙永和婢永和艱於嗣陸氏性聰慧善承陸母歡令納之年十五而寡無所出擇嗣承祧苦節以終

張氏李承禮妻年二十一夫歿子生未及旬勵志守節事姑以孝聞守節已三十一載

段氏孟道銘妻夫歿氏年二十九子承珺幼撫之長入成均享壽八旬

王氏絳人也知州范清淳側室清淳歿氏年二十四依嫡守貞平日待奴婢必以恩曰若輩亦人子用其力而不憫其勞非情也孀居三十載乾隆四十六年旌

劉氏宋泰來妻翁與夫皆外出伯翁早逝伯姑與姑孱弱多疾祖翁姑衰老動履需人夫弟甫週齡氏以女紅養老撫幼十餘年賢孝之名無間宗族同時有溫馥妻孔氏刺心裕妻任氏事翁姑亦以孝稱

劉氏韓伯奇妻二十九歲夫歿無子孀居三十年立繼嗣撫之

閻氏梁維繡妻夫歿氏年二十八家甚貧勤勞紡績課子有成壽躋九十三而終

郭氏賈世德妻年二十二夫卒無嗣繼姪守節以終

馬氏張立威妻二十八歲喪夫長子出遊亡返三子繼歿撫遺孫守貞年及六旬

景氏趙纘汴妻夫喪氏年二十二家貧子尚稚勤十指以養翁姑年已七十五

孟氏李選妻年二十六選亡無子撫姪爲嗣節操四十載邑令汪旌其門

范氏國學生李祿祥繼妻二十七歲喪夫撫前室子守

貞辛勤教養歷二十餘年

張氏宋宏義妻年二十七夫歿無子繼姪守貞奉姑二十六年無懈容孫保泰授千總職 賜贈安人

胡氏任九達妻二十六歲喪夫家故貧紡績督子成立年踰五旬

冀氏生員閔秉鍵繼妻年二十而嫠無所出撫前室子女守節二十年張蘭分府孟旌其門

王氏楊秀靈繼妻年二十七夫病彌留謂之曰母老汝爲我事子稚汝爲我鞠死瞑目矣氏以吾分對及卒一如前諾姑齒落艱於食氏卽以乳遺孤之乳乳之

教子有成鄉里共推其賢孝

黃氏監生范楷妻年二十五楷死親老子弱氏仰事俯畜慈孝聞鄉里乾隆四十七年 旌

曹氏孟養鞠妻十九歲卽寡無子繼姪懷礪爲嗣教之入太學守志四十六載

梁氏薛士裕妻二十六歲夫歿茹苦守志現年七十六
焦氏鈕興妻二十七歲夫歿子幼貧無所依女紅度日未幾子亦夭族無可繼者孑獨以終

王氏宋宏業妻二十八歲夫卒家貧子幼苦守至今年踰八旬

韓氏高昌隆妻生子浹旬夫歿氏年十九守節至今已三十載事翁姑以孝撫子姪以慈鄉黨交相推重孟氏王清鶴妻二十歲而嫠家貧矢志勵節現年五十

六

田氏王正淮妻十七歲歸王踰年而嫠守志不改已三十餘年

梁氏劉耀祖妻年二十七喪夫無子繼姪矢志年已六旬

陳氏任九清妻夫亡氏年二十六矢志不移絕膏沐屏服飾者三十年

宋氏郭玉興繼妻年十七歸郭郭既老且癱氏無怨色越三年而寡甘守清貧杜門寂處歷五十年人罕識其面事耄姑盡誠敬壽躋八旬卒乾隆四十八年

旌

宋氏楊瑛妻年二十六瑛卒潔清自持垂三十載

胡氏太學生溫憲筠繼妻年二十八夫歿無子女矢志守節夫鮮兄弟氏請翁置妾翁以老辭彊而後可既翁生子氏保護備至溫氏之祀賴以不絕守節垂二

十載

郭氏國學生梁元仁妻夫喪氏年二十七矢志守貞事

翁姑甚孝遺腹子自好長授州司馬職

燕氏羅清悰妻年十七卽寡無嗣繼姪守節以終

宋氏廩生陳秉衡母乾隆己酉饑氏命秉衡發粟先賑
同里義其行皆捐金周恤村免流離會舉家病疫氏
力疾奉姑湯藥形容鵠立猶終夜侍寢久之疫漸瘥
而氏竟無恙人以爲孝感

王氏武舉李兆凱繼妻年二十六夫卒無子繼姪大豐
爲嗣教之入武庠孫亦成諸生守節三十餘年歿

張氏王立成妻夫卒家計澹泊辛勤紡績積金盈甕聞
里中有不能婚葬者量給之壽躋七旬

邱氏家陸府通判喬士多妾士多亡氏年二十六無出
矣志勵貞有勸改適者氏作色曰吾生長名門豈肯
作失節婦以自玷耶言者慙而退年踰八旬卒嫡孫
花椿幼遭母病氏教養之後登庚子賢書人謂皆氏
之力云

鈕氏宋九如妻年二十三卽寡家甚貧且無子姑憐其
少艾諷之改適氏號痛不移其志以節終

王氏宋豐年母夫失名二十七歲夫歿苦節四十五載
教子有方

趙氏侯萬功妻二十四歲夫卒事孀姑甚敬生三子教

以義方長爲邑庠生奉母以孝聞其妣王氏亦年二十而寡無子以季子爲之嗣苦節終身乾隆五十八年學使瑚圖禮咸旌之

張氏吉有昇妻年二十九夫卒無子家貧撫族姪爲嗣里人稱其貞操

董氏部郎張景文繼妻夫亡氏年二十三無所出前氏子旣壯而歿撫孫守節以終

曹氏王清和妻十九歲而寡家貧無子矢志守貞現年五十二

王氏宋爾成妻年二十一夫亡姑邁子幼家貧勤儉守貞垂四十載

王氏梁在廷妻二十一歲而寡子甫一齡孝事翁姑及相繼歿寢甚就食母家槁容素服以終其歲月邑令汪給匾優旌

侯氏賈恒昕妻夫喪氏年二十翁姑相繼歿遺孤未週晬氏守節善養之

梁氏賈士仁妻十九歲而嫠長齋素服獨處終身享壽九十五

董氏梁思皇妻年二十而喪夫遺腹生子亦殤苦志守貞以壽終

靳氏高某繼妻失其名結褵後高往江寧踰二載歸甫
旬餘卽卧病醫藥罔效其母往省氏卽矢志無他志
母勸慰之及高死氏竟自縊時年二十邑令旌其門
王氏侯楚繼妻夫歿時氏年二十二遺腹生子舅姑皆
老養生送死大事畢舉鄉黨賢之

張氏毛秀永妻田氏毛世達妻夫死時張氏年二十一
田氏年二十八相誠守貞各以節終

韓氏王進寶妻二十二歲夫卒子幼家貧守節三十年
其女王氏卽榮光洽之母亦青年矢志者邑令旌其
門光洽以義死其弟光滋入成均能自樹立

孫氏李體仁妻年二十五而寡孤方在襁褓中厥後其
翁續絃者再氏事之無失禮冰蘖自持垂四十年

任氏降廣聚繼妻夫亡氏年二十五家貧舅姑蕃秋高
前室子俱孱弱婚嫁喪葬氏一身經理之卒年九十
石氏郭模妻模亡氏年二十三苦志守貞冬夏居一室
鄰媪罕識其面事祖姑尤以孝聞

王氏李元梓妻結褵載餘夫商於外未幾客死氏年十
九事姑盡禮其姒蘭氏元楷妻亦二十九歲而寡俱
無子繼姪承嗣各以節終

陳氏左周權妻二十五歲夫歿紡織以事繼姑子生數

月撫之長名列成均現年六十二

張氏庠生梁天定妻生一子天定以事去雍邱尋歿氏年二十七聞訃誓以身殉姑慰之曰以是藐諸孤尚須教誨勿爲諒也乃勵志撫孤現年六十

王氏胡灯妻二十五歲夫卒無嗣事邁姑甚孝飲冰食藥垂三十載無可繼者人咸敬憫焉

冀氏原漢瓚妻年二十四而寡貧無依欲以身殉妯娒知其有遺腹乞爲王氏延一綫已而果生子教誨成立里中賢之

蘇氏李榮綱妻年十六歸榮踰年而嫠家貧無子姑目瞽氏紡績以養苦節五十有六年死之日歸無族葬無兆鄉鄰憐而瘞之

郭氏董肇亨妻右玉訓導郭恒誌女年二十四夫歿子幼矢志靡他未幾子亦中折撫從孫爲嗣以壽終

馬氏國學生張鵬九妻宋氏用九妻雷氏經九妻妯娒也喪夫時馬氏年十九宋氏雷氏亦年未三十俱無子撫姪爲嗣各以節終

章氏生員張洪九妻夫歿氏年二十四孤方週歲翁老而癱左右奉侍者十數載無懈現年五十七

梁氏張廷柱妻年二十一而寡撫遺腹子成立守節已

四十五載

武氏董守誠妻年二十一卽寡子未及旬貧無依氏有兄義人也憐其節操迎至家多方周恤之矢志終身陳氏山東東平人也干總溫允炤妾二十二歲允炤亡貧無子嫡有異志氏苦勸之不從撫族姪騰萬爲嗣教之入武庠孫亦成諸生

王氏州司馬郭應彥妻年二十四喪夫二子幼舅已失明氏事育盡道守貞五十一載

李氏米大茂妻二十五歲夫歿饗殮多不給而姑性之所好必曲意承之子清佑尚少撫之長入太學亦以孝聞邑令汪給匾優旌

焦氏李域妻二十八歲夫歿家貧紡績事姑以苦節終張氏梁大正妻十九歲喪夫姑老子幼家甚貧紡織餬口養老撫幼更善持家壽七十二卒

李氏楊崇智妻二十八歲夫亡子僅二齡舅姑皆老辛勤事養垂四十年

宋氏郭愛妻年二十七愛卒守貞壽七十有二終

楊氏荆昌妻二十五歲喪夫家徒四壁誓不再適辛勤紡織教子正培入成均

劉氏梁宣繼妻郭氏梁修妻妯娌也宣客死山左劉年

二十七無子繼修子長齡爲嗣未幾修亦卒共矢靡
他事姑甚孝撫子成立劉守貞二十五載歿郭年五
十三

任氏高寶元妻年二十二夫亡子幼甘貧撫孤守節已
三十餘載

冀氏郭安愚妻年及笄而嫠繼姑甚悍氏曲意承歡旋
亦允若姑歿遺子瞽而幼氏善撫之現年五十二

溫氏王純妻年二十喪夫履潔懷清已四十八載

任氏孝子張呈繡繼室年二十六而寡斷髮自誓足不
踰閨金川未靖時子尚幼氏明大義出貲助餉尤嚴
於課子延名師不惜重聘後以子變官蘭州守 贈

恭人乾隆六十年 旌

張氏閻世英妻夫客死郢中氏年二十四守節教子調
鼎成人壽躋八十

郭氏李士燁妻二十四歲夫亡紡績度日守節五十餘
年

王氏宋東燁妻年二十四歲卽嫠撫繼子敏政任東城
吏目乾隆六十年學使戈旌之

孟氏岳岱與妻二十一歲喪夫無子姑病癱勤十指以
養之現年五十六

介休縣志 卷十一
侯氏千總強爾琳繼妻二十五歲夫喪撫前室子女以
守年今五旬克勤克儉鄉黨稱之

溫氏趙學魁妻年二十九夫歿子繼卒依翁姑守節晨
夕定省靡不誠敬壽七十一而終

溫氏郝清定妻夫亡氏年二十一矢志完貞撫嬰成立
迄今已三十載

張氏武維紀妾二十八歲喪夫苦節清操三十餘年不
改里中稱之

焦氏王成德妻年二十四而寡無子志切守貞孀居五
十載卒

榮氏郭鏡妻夫服賈潛江尋客死氏年二十七家貧無
子柩不能還氏向親族稱貸而歸之姑久病同室卧
起奉侍數年不懈繼姪爲嗣皓首全貞乾隆六十年
旌

王氏任九齡繼妻撫前室遺孤如己出年二十四而夫
卒茹荼守貞垂四十載

郭氏任士琳妻夫亡年僅二十撫遺腹子以承宗祀備
極艱辛孀居四十餘年

李氏郭秦岳妻事繼姑以孝聞年二十一而寡無子繼
姪守節歷四十載

曹氏太學生李長經妻夫喪氏年二十二無嗣撫姪國
珣爲子教以義方登鄉薦官浙江武義縣有循聲

馮氏王廷珪繼妻年十九甫生子而寡守志撫孤奉侍
繼姑以孝聞

郭氏張際雲妻年二十六而寡無子繼姪生孫相繼歿
守貞不改二十餘載

石氏郭憲彭妻二十九歲夫卒矢志完貞三十年如一
日

李氏梁崇益妻夫歿年纔十九甘心守節越二十年終
無他志

段氏貢生王九章繼妻幼事父母卽以純孝稱年二十
喪夫繼姑纏綿床席氏左右奉侍無倦容夫弟亦蚤
死遺孤三賴氏鞠育之子孫誦讀親自督課子萬齡
及孫六謙俱幼年入泮壽躋八旬嘉慶元年旌

常氏武生溫興妻年二十四夫歿苦節清操始終如一
郭氏趙生鵬妻年十八而嫠誓不適人四十餘年無改
厥志

梁氏朱萬有妻夫亡氏年二十八無子繼姪守節壽躋
六旬

毛氏宋微起繼妻夫歿氏年二十五稱未亡人已三十

載

梁氏國學生宋亦雍妻年二十五卽寡家甚寒事舅姑盡誠敬子獻詩年將弱冠娶張氏亦一年而卒相依守節梁氏年已九十四

劉氏胡士儀妻年二十九夫喪二子俱幼矢志靡忒壽躋七旬

劉氏馬泉芳妻夫卒氏年三十家貧子稚紡績度日矢志不渝

左氏張舍斗妻年二十九夫死誓不二夫孀居三十餘載

溫氏王師古妻十八歲嫁未一年而師古卒撫遺腹子奉翁姑守節七十三歲而終

宋氏任振鐸妻年二十七喪夫無子姑亦孀也以青年守節之苦甚言之以試之氏矢志不移遂立其姪以爲嗣現年五十六

喬氏宋國元妻二十六歲夫卒家貧朝不謀夕乃勤紡績上奉舅姑下育幼子卒成令名

溫氏武廷枚妻年二十二夫卒孀姑嚴峻家又寡人皆爲婦難之氏克勤克儉曲意承歡義方訓子子克家膺叅軍職守節四十七載嘉慶元年旌

王氏宋廷紳妻年二十六夫歿無子守志全貞

吉氏陸永年妻夫喪氏年二十三無嗣繼姪承祧其姒

劉氏亦年十八而寡家貧姑老子亦幼相依守貞垂

四十載

王氏任逢泰母年十八歸任伉儷未久夫卽死茹荼守

節教子成名

杜氏太學生武如彪妾年二十七生一女而寡彪先娶

妾張氏生子維翰彪死有去志思携之往杜勸張留

不從乃奪而鞠育之如已出年及古稀猶食力焉

張氏宋明斗妻十九歲而寡無子繼姪爲嗣尋卒復撫

孫見其成立

馬氏孫懷寶妻年二十二喪夫子幼矢志守貞年踰五

旬

任氏生員冀作楫妻姑亡遺子五賴氏長養年二十二

而寡無子以姪命躬爲嗣躬親課讀後入縣庠守節

三十八載卒

程氏王肯構妻十八歲夫亡撫孤以終年七十六

孫氏庠生郭榮宗妻夫歿年二十一無嗣繼姪守志年

五十二

張氏歸任失其名年二十二而寡子幼家亦中落貞潔

自矢卒享遐齡

曹氏任毓蘭妻年二十八夫歿孝事翁姑撫育稚子孀居十五載

侯氏閻學洙妻年十八結褵一載夫歿子際熙在襁褓撫之成立尋亦亡媳靳氏女時年二十九同姑撫遺孤守節以終

任氏國學生趙竣妻二十九歲夫卒冰蘖自持以壽終邑令祝旌其門

王氏郭常齡妻年二十四卽喪偶甘守清貧撫孤成立現年五十七

梁氏國學生張企載妻夫喪氏年二十四矢志守貞家素豐而性儉不好逸尤勤事舅姑澣濯之役必身親之鄉黨奉爲儀表前室子清政尚幼課讀甚嚴名著膠庠現任湖北督糧道孫應泰亦官運同守節三十餘載嘉慶四年旌

趙氏馬億元妻年二十二卽發無子擇姪爲嗣苦節清操爲鄉人所稱

靳氏李廷接妻喪夫氏年二十六守貞三十載鄉里無間言

李氏喬永樑妻年二十四夫卒家徒壁立針黹度日無

怨言

閻氏楊灼妻二十四歲灼亡守節繼猶子爲嗣教育之
壽登七十有二

楊氏孟承昌妻年二十四而寡無子繼姪守貞事孀姑
以孝稱

宋氏庠生張震妻年二十五震卒後遺腹生子矢志撫
孤舅姑俱老奉事盡孝年已五十

程氏太學生白永成妻年二十三而寡姑老且病典簪
珥供養之子世珍生纔八月教養備至登庚申科鄉
薦官戶部郎中守貞二十四載卒嘉慶五年 旌

溫氏國學生李宗奕妻年二十五喪夫繼姑欲奪其志
隱諷之不可屏之戶外絕其飲食節操愈堅撫孤三
十載而卒

孔氏孟洪俗妻年二十五喪夫誓不再適孀居四十年
守志不變

王氏郭啓棠妻東萊人也二十九歲喪夫無子家貧如
洗胼手胝足以養瞽姑甘心窮餓而不變其節

馬氏張世昌繼妻宋氏其妾也世昌亡俱青年子城山
亦幼篝燈共績非大事不出閨闈茹苦三十載子已
膺州司馬職

溫氏劉鎮邦妻年十八合卷四旬而寡無子甘心苦節善事翁姑里中稱之

郭氏太學生劉哲楷妻二十八歲夫亡無子繼姪爲嗣家雖富厚猶親操作有勸以毋自苦者氏曰人有營幹則心不外馳聞者賢之嘉慶五年 旌

師氏郭清英妻年二十一喪夫矢志不二上奉孀姑色養無違下撫孤子義方是訓苦節二十餘載

溫氏冀遜妻年二十三遜卒栢舟自矢子成室而殂族人因產爭繼氏訴諸宰擇孫勇爲嗣邑令張給匾旌之

張氏國學生郭應熙妻年二十七夫死守節善事舅姑撫二子成立嘉慶八年 旌

李氏王玠妻年二十二而玠歿家貧子心恕尚幼茹苦撫孤及長入成均矢志四十八載終

張氏降開科繼妻年纔二十夫客死於楚無所出前室子亦中折繼孫承嗣年屆五旬

王氏太學生宋士採繼妻事姑曲盡孝敬二十七歲夫喪誓死不二除服歸寧有勸改適者氏曰吾非白髮與藐孤早從夫子於地下矣聞者知其不可奪孀居四十八載卒嘉慶八年 旌

李氏孟拔魁妻十八歲而寡無子紡績事姑父母欲奪其志曰吾不忍以耄姑委溝壑繼姪承嗣現年六十九歲

郭氏靳啓和妻年十八而寡矢志守貞孀居三十八載刺氏王奇遠妻二十五歲夫亡子幼貧無所依氏矢志不移現年五十八歲

郭氏刺文煥妻二十七歲夫歿家甚貧子甫週歲撫之成人苦守五十一年而卒

岳氏羅檀妻孝於姑檀亡氏年二十一子立猷甫週晬撫之長補弟子員孀居三十載歿

張氏趙人也失傳其爲誰何妾嘗隨夫主於南陽夫主客死氏作書納懷中請偕夫主輿櫬歸里竟自縊死温氏靳漢偉妻夫亡氏年二十五子岐未週晬及長就職守禦所千總氏年已六十矣

高氏馬軾妻年二十八夫死未有子誓不獨生諸姑防之密不得已而止敬事孀姑繼姪承祧以壽終

武氏梁倬繼妻年十六歸梁踰年梁死無子家本清貧甘心苦守壽登八旬邑令喬旌之

齊氏燕子雲繼妻二十一歲卽寡矢志靡他撫前氏子銳踰於所生年已五十二歲

武氏遊擊劉思恭妾雖出寒門能知大體年二十一思恭卒矢志不移教子績緒成貢生

董氏韓崇道妻年二十八夫歿無子誓不再適繼姪守節以壽終

張氏溫玉玠妻年二十四夫歿子亦夭孀居三十餘載立繼嗣爲夫後

吳氏郭在虞妻二十四歲夫歿誓不二夫家甚貧勤女紅以供旦夕

王氏劉澤齊妻婚一載夫商於外未幾客死氏年二十守貞三十三年

郭氏李鎮郡妻二十七歲喪夫冰蘖自持人無間然今已三十載

孟氏太學生安椿年妻年二十四而寡事翁姑甚孝子殤繼姪亦歿撫孫承重以終

常氏國學生刺心健妻性至孝夫卒氏年二十四遺孤幼翁姑垂老上事下育未嘗告勞年踰五十而終

段氏羅本謙繼妻奉舅姑甚孝夫歿氏年二十無子繼姪爲嗣課讀甚嚴蜚聲黌序守貞三十餘載

樊氏梁澗妻二十二歲而寡子幼事繼姑無失禮槁容素服苦將終身

解氏郭維藩妾年二十七維藩卒誓不再適孀居三十餘載

楊氏郭永成妻十九歲而寡無嗣遺腹生女撫而嫁之苦節三十餘年

張氏生員范光岳妻幼嫻婦道未三十卽寡堅持雅操事翁姑二十年不懈于土塏善道而嚴督之弱冠入泮

張氏范景雯妻年二十八而寡清操自寡雖有絕產族人罔敢覬覦

曹氏劉翰清繼妻翰清官延平守備以乏嗣多置姬妾氏皆善遇之及喪夫年二十九子亦中廩撫孫守節三十餘載

侯氏馬文魁妻二十六歲夫歿家貧子幼辛勤紡績以教養之壽六十七終

劉氏李濂妻夫亡年二十四無嗣夫弟尚幼賴氏教養之後入邑庠守節三十五載卒

王氏梁志熙妻二十九歲夫卒撫孤守節久而彌堅壽躋七十四

魯氏高天偉妻年十九夫亡家徒壁立有孀姑目已瞽氏奉侍三十四載無怠色壽七十五令終

姚氏李泰妻年二十七泰卒家本寒素氏卽苦節以終
李氏侯生格妻二十一歲夫客死子幼家故貧姑王氏
亦青年矢志者相依守貞其夫兄生梧孝於母而憐
婦之節操亦善遇之故氏終無他志

溫氏焦丕基妻夫亡氏年二十五清操自勵撫子逢寧
入膠庠

劉氏府參軍范光恒妻普洱太守櫛媳也夫攜之隨滇
南任夫卒氏年二十九子幼貧無所依乃就食母家
苦節三十二載

鈕氏郭志儒妻二十六歲夫歿無子斷髮明志夫弟亦
亡冠婚喪祭氏一身經理之復念邁翁乏嗣請置妾
旣而生子愛護甚至竟成立郭氏之嗣不絕盡氏力
也

刺氏武舉王守魁繼妻年二十七喪夫勤儉守貞以壽
終

薛氏賈日通妻夫喪氏年二十二翁生員賈鏗性嚴厲
氏以克修婦道得其歡心子位卿尚幼比長娶李氏
未生子亦中折李年三十克嗣徽音亦以節終

孟氏武釗繼妻釗卒氏年僅十八守貞自矢前室子尚
幼教之入邑庠年踰七旬

崔氏焦秉義妻二十九歲夫歿家甚貧辛勤紡績竟以節終

張氏劉益盛妻年二十五夫喪無子姑以痛子染疾氏晨昏奉侍不敢告勞繼姪爲嗣而守之

薛氏生員郭淇澳妻夫卒氏年二十四無子姪在襁褓撫以爲子守之已三十餘載

劉氏范光岳妻十九歲而寡子士在方六月教養備至名列成均守節三十一載而歿

樊氏李文錦妻文錦早卒翁以傷子致疾未幾亦卒氏生事祭葬無不盡禮治家勤儉孤子成立服官沔陽

州別駕有政聲

劉氏董志鳳妻年二十八夫客死荆南子生未二齡藉針黹以供朝夕現年七旬

沈氏郭泰恒妻年二十卽發奉翁姑撫幼子清操自勵垂三十年

郭氏張筠成妾筠成亡氏年二十五誓不二夫深居緘默二十餘年無變志

喬氏李連標妻年二十一夫歿子弱冠而殂清操益勵年已六十有六

宋氏趙運明妻夫卒氏年二十四事姑必盡誠敬無子

介休縣志 卷一 四七
繼姪守節年五十二而終

李氏宋樑妻年二十四樑歿苦守四十餘載子已成立
侯氏羅本誠妻吏目侯爲龍女年十七于歸成婚之日
本誠已卧病氏卽奉侍湯藥踰月疾大漸謂氏曰爾
年少毋以我故徒自苦氏曰誓死不再醮請勿爲念
遂歿氏哀痛欲以身殉爲家人所覺不果減食一月
而卒

張氏庠生賈兆熊妻年二十一夫亡矢志守貞撫二遺
孤俱已成立

王氏梁九芝妻夫卒氏年二十七家貧子幼仰事俯畜
各得其所卒年六十五歲

田氏溫日明妻持家有法鄉里共稱二十八歲喪夫遺
孤二教養並至俱克有成

李氏李世烈妻年二十二卽孀子甫一齡甘心守節孀
居五十餘載

武氏梁天吉妻夫亡氏年二十八家甚貧守貞以老

鈕氏張鎮妻年十九鎮卒子襁褓守節撫孤垂三十年

段氏王文熹妻夫歿年二十二有欲奪其志者氏以死

自誓遺腹生男恩勤鞠育敬事孀姑以終老焉

楊氏太學生李德濟妻年二十五無子而寡孝事翁姑

繼姪攀鳳爲嗣教之成立守貞四十載

杜氏王輔才妻二十八歲喪夫誓不再適後子亦中折而志節無少變年踰八旬

宋氏宋憲湯繼妻年二十六夫卒撫孤守志歷三十年張氏太學生曹伯章繼妻年二十二夫卒無子或勸之更適氏曰守節婦人事也吾不敢以無子爲辭乃繼姪承嗣

羅氏州少府張照繼妻年十五適張凡七年而發敬老慈幼昕夕靡寧享年八十六而卒

岳氏宋廷玳妻李氏國學生宋廷琦妻其夫死年均未三十毋忝家聲朝夕相誠守節四十餘載教子入成均邑令祝旌其門

趙氏車生富妾生富亡氏年僅十七子生七月依嫡守貞五十年無他志

張氏州司馬喬元鳳妻年二十四夫歿撫繼子以慈立志苦守皓首不渝

高氏梁東鎮妻夫喪年二十五矢志守貞仰事舅姑撫育孤子至今已數十年

武氏茹超林妻二十八歲夫亡無他志勤儉撫孤年已七十二

張氏降殿弼妻夫卒年二十二守志撫孤夫弟殿鼎有
子女數人少失所恃氏鞠育數十年享壽七十五卒
猶子輩念之輒流涕

任氏喬凌成妻二十一歲卽寡子生未彌月家甚貧早
夜勤劬以養以教守貞四十餘載

岳氏宋廷煒妻十八歲于歸踰年而寡遺腹數月矢志
靡他既而生男備歷艱辛初終一致垂四十年

李氏布理問房美奐繼妻年二十八喪夫治家嚴肅閨
門內不聞笑語聲教子景齡早歲遊庠年及六旬
武氏降尼文妾年三十尼文卒堅貞自矢三十餘年

鄧氏李位東繼妻年二十六夫歿孝敬翁姑井白之事
皆以身爲妯娌先遺孤成立白其事於有司嘉慶十
年旌

王氏閻景光室景光不得於繼母爲父所逐氏以偕出
數載父財耗散而姑又病氏勸夫迎養晝夜勤女紅
以供藥餌未幾姑歿翁復卧疾語多不自省景光服
賈未得歸氏先意承志晨昏侍湯藥飲食者二載如
一日里中童孺皆以孝婦呼之

郭氏劉爾伯妻劉以家貧謀生於外翁年八十餘氏勤
紡績奉養翁疾飲食起居調護甚周九年不懈鄰里

介休縣志 卷十一
咸欽佩之

王氏溫自勵妻年二十五喪夫家故貧子幼而舅姑已老日夜紡績以資養贍苦節四十餘年夫有族姪周晬而孤携至家撫育成立及氏卒哀若親子女隣里益誦氏之賢嘉慶十一年旌

梁氏國學生趙繼汴妻天性慈孝家素饒而善用財戚黨有貧乏者時勸繼汴周恤之年二十九夫卒於樊城子尚孩誓以身殉舅姑已邁勸止之曲意承歡會楚氛不靖資財盡失氏質簪珥以給旦夕孀居三十餘載

田氏王凝元妻夫卒氏年僅十七脫簪珥謝鉛華事姑育子守貞三十三載而歿

岳氏常裕五妻年二十四夫亡無嗣舅姑早逝遺子裕九氏養之成立晚年得繼姪承祧

茹氏王國亮妻年十七嫁甫四月而發冰操自矢有勸以他適者絕之終身不與見年已五十三

武氏宋芳相妻年十九夫卒無子姑孀而邁曲盡孝敬勤紡績佐所不給繼姪守貞以待老

張氏李玘馨妻夫歿年二十三家無儲蓄氏拮据勞瘁撫孤成立壽登八旬

任氏張日新妻年二十五而寡子幼姑已老生死祭葬
婦德無虧現年五十三

郭氏王以信妻二十四歲夫歿家貧子生甫六月矢志
守貞事繼姑甚孝年五十而終

郭氏溫泰升妻年二十二夫歿遺孤甫三齡絕粒投繯
誓從地下家人救止之翁瞽而姑病氏左右侍養毫
無倦容鄰媪有微以他適諷者氏曰禽鳥且不再配
而况人乎年踰五旬嘉慶十四年 旌

榮氏焦于鼎妻事姑甚孝年二十五而寡勤儉守貞壽
已七十三邑令蔡旌其門

孟氏黃平州知州范清輝妻年二十九夫歿繼姑不善
遇之夫有弟四人日闕于牆家遂式微氏排解綢繆
絕不見詞色長子櫛冠而殂次子榆已授衛千總孫
光國亦捐州同職守貞五十載考終

范氏藩參軍李榮春繼妻夫卒氏年二十七無子繼姪
爲嗣姑與祖姑俱老家道中落氏竭蹙經營孝養三
世有語及更適者輒掩耳而走或疑其飾後見利刃
於枕旁遂不敢以勸嫁相嘗試守貞二十五載卒嘉

慶十五年 旌

郭氏梁錫璇妻家故貧夫客孟津氏勤紡績以養舅姑

年三十而寡苦志撫孤長捐從九品職孀居三十餘載

梁氏畢啓承妻于歸未久啓承出不返翁姑令其改適氏曰吾去誰代子事親者家無甌石日夜勤紡織以供養殮壽九十四終

王氏張學孟妻夫歿家甚貧織紉以奉翁姑始終無失禮訓子有成年踰九旬

張氏李日溫妾日溫亡氏年二十九矢節撫孤以老冀氏宋實妻年十七適宋未一載夫以貧買塞外絕音耗遺腹生女立志苦守年五十三而卒

孟氏孫可銀妻夫卒年二十四堅持清節垂三十年劉氏宋世玉妻世玉學佛而時懷遁思與友遊金山寺遂隱焉氏年二十六求之不獲素服長齋守節以終張氏李品信妻年十八而寡家貧子幼事舅姑甚孝苦節二十八載以姑喪哀毀致疾而卒

張氏孟罕如妻年二十一而寡矢志守貞夫墓濱汾河被水滄沒氏積針黹所得命子改葬維時子尚幼求之不獲氏默祝恍然若有所見啓之果不爽咸謂精誠所感云嘉慶十五年 旌

閻氏劉煒彬妻年十六適劉踰年而發遺腹生子茂培

比長晉爵遊擊氏 贈淑人守節二十五載而卒

張氏趙璠繼妻二十五歲璠歿家貧姑老生事死葬式禮莫愆前宰子亦中折撫孫守節以終

宋氏李常泰繼妻年十九而寡善事舅姑子滋教之誦讀長成諸生

秦氏王珠妻年二十四珠卒家貧子幼氏杜門寂處不苟言笑鄉黨稱婦德焉年八十四令終

張氏庠生楊士元繼妻年三十夫亡遺孤樹本幼孀姑老氏親操井臼矢志守節三十四年

孟氏冀汝明妻夫卒子幼翁老而癱手足不能屈伸氏左右奉侍歷四年不怠及歿竭蹙以營喪葬鄉里賢之現年六十五歲

田氏岳文通妻二十八歲喪夫家貧無子撫姪爲嗣勤女紅以奉翁姑孀居五十載終

趙氏斛盛容妻年十九而寡子幼家貧矢志守節後子歿益困苦鄉里共資助之壽八十四卒

任氏趙達妻二十歲喪夫甘貧守志紡績度日不受人憐年至七十八終

左氏王从榮妻夫歿氏年十九無子繼嗣守貞現年六十二

黎氏李國璋妻夫自幼失明不能作家計氏無怨言及
歿年二十六撫孤守節事舅以孝稱年五十六卒

韓氏郭洽雍繼妻二十一歲夫卒前室子幼撫之若己
生孀居四十六載卒

程氏李元勳妻二十七歲喪夫苦節清操四十餘年不
改

陳氏田承爵妻年二十二夫歿姑老而無目守貞事之
三十載卒

溫氏李天佑妻年二十一而寡翁姑垂老善事之孤汜
敦未週歲撫之長入成均邑令陸元鑣給匾旌其門

曰鶴壽松心

劉氏梁敬妻年十九生子數月而寡撫孤矢節終身

武氏李廷選繼妻十九歲夫亡方娠剪髮白矢後生子
開國教之入成均縣令給匾旌之

曹氏孫繼祖妻二十二歲喪夫勤儉守貞現年五十二
子廷標就州司馬職

刺氏斛瑞達妻二十二歲夫客死撫遺腹子成人守貞
三十餘載

李氏郭淇澳妻二十二歲夫歿家貧守節事孀姑甚孝
撫子桂五成立年近八旬

文氏郭御寬妻年二十而寡守節撫孤紡績自給年八十四權縣事沈給匾獎之

段氏宋奇虎妻年二十八夫亡家貧子幼姑強之嫁矢志不改紡績以給養殮年至耄耋孫曾十餘人有入泮者

張氏宋涵炳繼妻年十八喪夫方娠翁憐其少諷以改適氏矢志不移既而生女以姪鶴鳴爲嗣未週歲撫如已出翁姑繼逝勉力支持三十餘年無他志

杜氏郭成柱繼妻年二十二夫亡事翁姑以孝聞撫前室子如已出守節五十餘載

郭氏宋邦鸞妻年二十八而寡家貧守節仰事俯畜以孝以慈有以他適勸者以死誓壽躋七旬

王氏宋敏妻年二十七夫喪方娠氏矢志靡他越百日子賢召生撫之成立現年六十二

李氏薛蘭馨妻二十六歲夫亡撫孤事祖翁與姑甚孝守節以終

宋氏武建斌妻夫歿氏年二十六守節安貧養姑四十八年無稍懈

宋氏程希亮妻年十六歸程未一載而發姑憐其少勸之他適氏守貞不移垂三十餘年

刺氏宋賢相妻年二十六夫亡子興讓娶王氏亦年二十六而寡共勵清操刺氏年七十八王氏年五十八宋氏韓崇偉妻二十一歲夫卒無子守節四十載撫繼子統遂成立

侯氏羅萬書繼妻年二十三而寡無子撫前室子新祚授藩叅軍職氏 贈安人現年四十

任氏喬元芳妻夫喪年二十五事孀姑盡誠敬撫遺孤長而授室中折乃與媳同居一室共勵清操雖大故不出也年及六旬戚黨嘉其節孝欲爲請旌氏拒之曰守節婦人本分何以旌爲矢志四十載卒嘉慶十年

七年有司上其事 詔旌

宋氏穆尚達繼妻年二十二而嫠勤儉守節三十四年郭氏李墳繼妻年二十七夫客死子幼竭蹶搬夫柩還年踰六旬紡績不輟

任氏宋亦灝妻灝亡時氏年二十四子甫二齡貧無依養苦守三十八年

梁氏王玠妻年二十二而寡事翁姑撫襁褓備極艱辛現年四十五

溫氏郭敦本妻夫亡年纔二十無子繼姪帶汾爲嗣鞠育之官滇南騰越州吏目矢志三十餘載

榮氏增廣生文純妻二十七歲喪夫姑老子幼艱苦備嘗現年六十邑令熊旌其門子大成膺一命以孝聞郭氏庠生劉玉柱妻二十九歲夫卒子士堦在抱撫之守節歷久不渝

侯氏張明恕妻二十六歲夫亡無子繼姪守節現年六十八

趙氏張珍妻年二十夫亡繼姪學良娶任氏未幾學良復喪時任氏年二十一姑媳孀居撫孫成立同知洪知縣呂共旌之

孫氏郭捷三繼妻二十三歲夫歿子甫十月往往受凍餓安之若素苦節五十四載而終

李氏張儒隆妻夫歿氏年二十八家無擔石之儲現年五十有四終無他志

李氏李保公妻年二十四卽寡無嗣撫姪承祧年踰五旬

李氏岳學詩繼妻二十三歲夫亡遺孤尚幼矢志守貞已二十載

宋氏喬元勳繼妻受聘後父母聞壻善病頗以爲憂氏曰命也生事之死守之何多慮爲年十八適喬氏母家富而夫甚貧入門卽毀衣飾爲治生計越二載而

發事翁姑至老執婦禮前氏女患瘡疾壻復早亡氏
迎至家飲食藥餌無微不至治家嚴肅優婆女巫概
拒勿納子入膠庠守貞四十餘載嘉慶十八年旌
胡氏張予智妻夫歿氏年二十三奉姑鞠子完節以終
左氏張大年妻未生子夫卽卒氏年二十三繼姪爲子
垂白完貞

王氏羅棹妻年二十四棹亡貞節自勵三十八年

李氏李溥母夫失名年二十八而寡守貞砥節迄今已
三十年

郝氏李運坦妻年二十八夫亡遭家多故矢節不渝撫
孤五十餘載

杜氏冀旺都妻年二十三生一子而寡姑遇之嚴而氏
彌謹矢志五十餘載邑令祝旌之

任氏生員羅漢倬妻二十七歲喪夫貞節自矢撫子立
言入太學現年五十六

盧氏浙之山陰人性至孝幼遭父疾割肉療之年二十
四歸布經歷馬升爲繼室一年而夫病旋劇氏復割
肉和丸進卒不治含殮畢乃登樓給婢下舉身從樓
上墮地齒股俱折絕粒經旬死嘉慶二十二年旌

段氏郭翰冀妻年二十三而寡僅遺一女守貞四十五

介休縣志 卷十一
載學使國旌之

宋氏茹愚妻愚卒氏年二十二堅貞自矢四十年如一日

任氏張光孝妻二十九歲夫卒家貧遺孤二齡誓不再適年踰八旬

梁氏任國遜妻善事翁姑年二十九而寡遺孤二長子仲娶董氏亦年二十八而寡相依守貞次子起鵬四歲卽孤及長就州同職始請旌梁氏孀居二十餘載而終董氏亦年躋六旬

張氏中書李日清繼妻年二十七生子鼎而夫歿前氏子樽亦幼撫如己出治家嚴肅守節四十餘載樽授主簿鼎登丙午武科

李氏侯珣妻幼嫻禮法二十四歲而寡無子家亦中落茹苦守貞撫姪爲嗣教之成諸生

王氏李基繼妻旣嫁而基得瘋疾棄之居他所氏亦無怨言事繼姑盡孝年未三十基卒無子撫姪爲嗣李有甥礎祿失怙氏代之鞠育十數年尤人所難能云馬氏張安邦妻二十九歲夫歿家貧養孤撫幼苦守二十八載卒

閻氏太學生田承霈妻二十八歲喪夫持家以儉訓子

介休縣志 卷十一 一
以嚴守貞三十餘載

王氏宋天聰妻十九歲夫歿無子事孀姑甚孝繼姪守貞年已五十餘

任氏溫士斑妻年二十五夫卒無嗣誓死守節翁姑皆憐惜之

梁氏李仰霞妻夫喪氏年二十二子甫三齡撫子守節垂三十年

趙氏李之學妻二十五歲而寡家本清貧子亦稚夫兄勸之他適氏矢死拒之姑亦嫠也事之甚孝守節五十四年以壽終

劉氏李繼永妻年二十二而寡室如懸磬處之泰然孀居四十餘年

王氏冀天職妻夫喪氏年二十七無子邁姑在堂晨昏侍養備極艱辛現年六十一歲

張氏王慶寵妻二十八歲夫歿堅持清節垂二十年
武氏州司馬溫質滋妻年二十九喪夫姑以痛子故纏綿床席夫弟俱夭家亦落鞮鞢母子艱辛萬狀冰霜之操始終不移

楊氏郭天質妻二十九歲而寡矢志守貞年五十三卒
任氏羅長發妻年二十四生一女而嫠伯氏亦無子早

歿繼孫守節年踰五旬

溫氏段成琳妻二十八歲喪夫家故貧遺孤尚幼勤十指以守貞者四十載

樊氏太學生程宜遵妻十九歲卽歿撫前氏子如己出履潔懷清四十載鄉里無間言

楊氏羅玉洙妻夫喪氏年二十一子幼家貧誓無二志年已五十三歲

任氏王慶雲妻孝事舅姑年二十夫亡無子其母於其歸寧諷之更適輒大哭母遂止茹荼飲冰二十年如

一日

梁氏候選從九品范光哲妻年未三十卽寡事翁姑以孝聞課子讀書無異嚴父

侯氏段奇奎妻二十五歲夫歿奉姑鞠子苦守四十三
年而終

梁氏溫而謙妻夫亡年二十九遺一子有勸以他適者氏曰禽獸之行誓不爲也終無他志

高氏焦于鼐妻年二十七喪夫冰霜自勵孀居五十載而歿

文氏許廷傑妻十七歲卽歿子未週晬及長使服賈無何客死撫孫守節以終

封氏郭維城妻年二十四夫歿誓死守節四十年來銘
華弗御

石氏溫大斌妻二十九歲喪夫子尚幼家無斗筭藉針
耑度日年已六十餘

武氏李輝妻善事翁姑青年而寡後數年爲子納婦俱
不壽所遺子女氏皆氏鞠育之里黨稱賢孫天培成
諸生

劉氏武生范秉晃妻二十九歲而寡善奉孀姑嚴訓孤
子守志三十七載終

侯氏李如採妻年十七于歸結褵五旬李服賈鄴郡以
暴病卒遺腹生子有繼姑病癱氏敬事之十餘年不
倦壽登八十令終

燕氏王自亮妻夫亡年纔二十饘粥不繼子亦天安貧
守節始終不渝

宋氏劉經邦妻年十九卽寡冰霜自凜孀居二十餘載
李氏宋學寬繼妻夫歿氏年二十四甘心守節垂三十
年

郝氏西秦隴州人也幼鬻生員樊嘉猷家言笑不苟比
長適郭郭故貧會歲歉無以爲養諷之嫁氏誓不去
郭得娶者財而強逼之氏知不免遣子告主家乘間

自縊

魯氏郭永發妻二十歲而寡家貧糶日不聊生子尋歿
矢志愈堅撫孫成立

韓氏郭洽和妻年二十夫卒二子俱幼事祖姑繼姑盡
孝矢志守貞已四十餘年

景氏郭王汾繼妻二十八歲夫亡守節撫孤四十七載
邑令徐給匾優獎子深事母亦以孝聞

石氏王鼎鎬妻夫喪氏年僅十八無子遺腹生女撫之
守節年踰五旬

白氏任學顏妻年二十六夫卒家無擔石遺孤幼姑髮
垂白氏勤紡績供薪水旨甘無缺守節五十四年

程氏國學生張性慧妻夫喪氏年二十五子亦殤依孀
姑守節姑患腿疾寸步維艱氏左右扶持十餘年不
懈繼姪爲嗣守貞四十載

張氏府經歷侯興文妻幼通經史識大體年二十二夫
亡將身殉翁姑以撫孤止之孤旋殤益求死邁疾勿
任治再三強而起終身素服不聞樂姑病侍湯藥數
月不懈暇則誦列女列仙傳以博歡心先意承志類
如此後遭翁姑喪茹素盡哀姪樹屏錫蕃少失恃殫
心教育樹屏現登鄉薦錫蕃成諸生

石氏楊洪壽妻夫商於豫尋歿氏年二十六一貧如洗
遺孤二使之近正士絕匪人俾克成立祖宗邱壟祭
掃尤勤矢志三十餘載里中賢之

王氏郭充妻年二十六喪夫矢志守貞孀居三十二載
卒

梁氏生員董守謙妻年二十八夫歿無子繼姪守節年
踰六旬

降氏常廷玉妻年未三十喪夫無嗣與二女相依爲命
其家資爲夫弟蕩盡幾不支有勸之嫁者氏以死誓
茹荼砥節孀居四十六載

楊氏太學生王驥妻年三十而寡守貞四十載卒以子
祚昌布經歷職 贈宜人

趙氏王敦仁妻年未三十夫亡無子撫女守志以奉翁
姑孀居三十載

文氏李文鏜繼妻二十六歲夫歿家貧前室子幼誓死
不嫁養老撫孤苦守二十餘年

李氏王登翰妻事翁姑以孝聞夫喪氏正青年遺子幼
翁繼歿葬祭大事一身經理之夫兄無子而亡氏以
次子嗣宗族稱其知大體年踰七旬而終

閻氏鄧明福妻年二十八夫亡家無儲蓄子亦中殂勤

介休縣志 卷十一
操作事孀姑二十年不懈太學生鄧寧侯其孫也妻
郭氏亦年二十七而寡與祖姑同志甘守清貧閻氏
壽躋八十五郭氏年垂六旬

張氏段福興妻二十九歲夫卒遺孤存有家甚貧紡績
撫養長娶武氏生子起元亦寡起元既壯而殂其妻
朱氏年僅二十四三世完貞閭里推重

劉氏國學生常近光繼妻年二十九夫歿家中落前室
子清洋少瞽與己子淋視之如一孀居二十七載子
淋入成均

牛氏趙湧妻湧卒氏年二十二未有子家無立錐地針
耨以養翁姑年已五十七

張氏胡清遠妻年二十三而寡無子夫兄利其產使之
改適不從日減飲食以窘迫之氏矢志不渝氣鬱成
疾而卒繼姪爲嗣

賈氏段永錚妻夫亡氏年二十遺腹生子撫弱息奉姑
嫜孀居二十四年

李氏張仰遠妻歸張一載而寡家貧前室子僅三齡撫
之如己出守節已三十八年

李氏孟嶠妻二十五歲夫喪清操自矢垂白凜然

劉氏王殿元妻年二十二喪夫家無甌石子幼姑耄竭

歷以供甘旨年已八十餘

趙氏景士俊妻年十九卽發甘心守節孀居五十餘年
郝氏李天盛繼妻年十八于歸閱二載寡遺腹生子前
室留孤三俱幼弱視如己出守貞三十載里黨稱之
梁氏任自安妻年二十四喪夫守節以奉翁姑撫子允
善就州同職年及五旬

鄧氏武清敬繼妻夫亡年二十二誓不再適撫前室子
成立現年五十三歲

曹氏文漢公妻二十五歲喪夫家貧子幼紡織度日苦
節三十載

喬氏侯致中妻年十九而嫠誓死守貞姑老且病癱氏
稱藥量水凡四載日夜不離左右姑憐其勞命之息
不少懈事祖姑亦以孝稱孀居二十載志節益堅
李氏武生李朝臣繼妻二十三歲卽嫠無出立從子郁
以承嗣年甫四齡辛勤教育長入成均守節三十餘
載卒

田氏張廷梁繼妻伉儷未久夫卽服賈於外七年死氏
二十九歲子幼家貧藉紡織以守貞年踰六旬而歿
劉氏李正林繼妻年二十九夫歿遺子天元方襁褓鞠
育之就州同職娶武氏未生子而殂繼姪爲子克嗣

徽音劉氏矢志三十餘載卒武氏亦年近五旬

任氏武志理妻二十六歲夫亡無子生一女家貧堅貞

自矢繼姪立倫爲子年近七旬鄉里稱完節焉

文氏布經歷李德成妻年二十四無子而寡潔清自守

年垂五旬無可繼者鄉族咸敬憫焉

武氏太學生李溥妻賦性淑慎年二十七夫亡于幼翁

姑垂老氏孝慈兼盡無難色守節已三十餘載

鈕氏國學生蕭璋室事舅姑多孝行親族無遠近皆以

女宗稱之近有河村杜氏者李世壯室亦以賢孝爲

鄉人所重

宋氏宋世珠妻繼姑馬氏多疾遺子女俱幼氏乳養之

夫弟妹或有過皆委曲勸導再繼姑郭氏性褊急遇

氏輒爲解顏

侯氏郭岐安妻年二十七夫質於外不知所終遺女二

家無立錫地藉鍼黹以養守至四十餘年乃繼堂姪

允明爲嗣現年七十二歲

董氏侯敏妻年十五歸侯兩載而寡遺腹生子子賢誓

無他志與姑同寢食日夜不離左右甚得歡心現年

四十有四

任氏梁濟達副室二十七歲而寡栢舟自矢遺孤二教

之讀書長子馨遠已入泮氏年今六旬

高氏段金臺妻二十九歲夫故姑老遺孤二俱幼家計
維艱氏矢死守節勤紡績養姑壽終子皆授室苦守
三十餘年而卒

賈氏侯裕職妻青年孀守紡績度日姑與子皆待養焉
守至五十七年而卒長子鴻軍功議叙正八品次子
鄭泉鄉飲介賓

郭氏張珮武妻夫病垂危詢氏何以處身後氏誓以身
殉及夫歿視殮畢氏縊死夫棺側年二十二歲邑令
陸立石旌其里

毛氏童養與毛顯斌爲妻年十九歲未成婚顯斌遠買
不歸旋在外另娶姑憐之擬妥爲擇配氏聞而自投
水缸死

任氏李攀桂繼妻年二十五歲夫歿守節撫遺腹子暉
成立現年五十九歲

王氏太學生任國遂繼妻事舅姑以孝二十九歲夫故
前室遺子甫周晬撫如己出娶妻孟氏年二十四而
寡相倚守節王氏享遐齡孟氏孀居亦三十七載

胡氏增生蕭正榮繼妻年二十三夫亡守節勤儉持家
教養前子之望成諸生守貞三十餘年

郭氏太學生梁宗周妻夫歿年二十一遺孤僅三歲矢志自守越十六載而子亦亡復繼姪爲嗣撫如己出現年六十八歲

文氏張筠蔭妻年二十一而寡堅貞自誓事翁姑以孝教子成立鄉里稱之

李氏岳現瑾妻二十一歲夫亡僅遺一女苦守五十餘載

楊氏州同梁清藩之繼妻年十九于歸越三載夫卽歿氏無所出矢志自守樸素是敦族黨賢之

張氏國學生王羲如繼妻張國安之女也年及笄而適王事孀姑以孝相夫子以禮越十年而寡無出遂矢志栢舟謀爲夫後適遭兄嫂繼歿遺孤于二氏苦撫雙姪教養備至克底成立長臨字國學生孫國泰次定宇武庠生孫國正氏集親族詢謀僉同將次姪定宇爲夫承嗣焉迄今國正品行端方舉爲鄉飲耆賓曾元十餘濟濟蔚起皆賴張氏劬勞教養之力也氏年七十有九以壽終

胡氏石玳妻二十七歲夫亡守志孝事孀姑教養幼子成立年八十三以壽終

降氏宋奇蘭妻二十四歲夫歿又無子息氏苦節自守

以叔弟奇桂次子清烈承繼爲嗣歿時年七十二歲
康氏監生任子聰妻李氏馬氏其妾也子聰蕩費無節
氏等屢勸不聽及家貧追悔莫及恐爲鄉人笑欲與
妻妾俱死妻妾亦願相從地下嘉慶六年中秋夜同
時自縊時康氏二十九歲李氏二十四歲馬氏年方
二十

羅氏監生王魁之妻年十七歸魁越五載魁卽歿僅遺
一女氏矢志靡他情願守節歿時年六十歲

李氏王楨之妻二十五歲夫歿並無所出氏矢志自守
以事舅姑俟王門有子議立承繼凡一切家政氏措
置有條兢兢業業未嘗少懈亦俱能得堂上歡心氏
現年五十五歲

郭氏監生李賈好妻歸好甫三載好卽歿時氏年二十
二歲並無所出有人勸以改圖氏栢舟自矢後以堂
兄實穎之子守和承繼爲嗣數十年教養兼至而繼
子亦能曲盡其心氏現年五十五歲

梁氏監生武承聖妻二十八歲夫歿遺子思英思俊思
傑皆幼氏勤儉守貞撫孤成立後三子思傑歿妻李
氏年二十六歲遺子學綸甫一齡氏相倚守節矢志
靡他歿時六十歲

介休縣志 卷十一
降氏李泰臨妻夫歿時二十八歲遺三子俱幼持身勤
儉課子謹嚴事孀姑孝養不衰至中饋經營卽炊爨
瑣碎事靡不苦心孤詣爲之迨三子成立遊庠者二
人鄉里咸稱之

李氏貢生企南女營千總趙元泗之妻十七歲歸于趙
二十而寡矢志不貳志曰吾夫以三門爲二門後今
又妖折無子吾一改適二門之嗣將終斬矣吾必俟
有可嗣者嗣之雖家有餘貲而淡泊自厲立嗣之日
戚屬賢之

鈕氏趙惺之繼妻二十六歲夫歿苦節自守矢志靡他
張氏李廷楷妻年二十二夫歿遺子尚未周歲氏甘心
守節撫子成立

薛氏宋元焯妻年二十四夫歿矢志守貞迄今六十一
歲

王氏榮銓繼妻二十七歲夫卒家貧子幼艱阻備嘗之
死靡他撫前室之遺孤教養兼至與已生衆子光湯
等至今同居共爨于嘉慶二十五年 旌並前載

韓氏王進寶妻係氏之母王理之祖母也其母女節行
苦操前後一轍同享年七十八歲而終俱于嘉慶二
十五年 旌

109514

介休縣志

卷十一

三

